

八旗則例



八旗則例

襲爵

一列爵

國初定班爵之等有八曰公曰侯曰伯曰子曰男  
曰輕車都尉曰騎都尉曰雲騎尉自公至輕車  
都尉又分三等曰一等公二等公三等公侯以  
下亦如之授爵自雲騎尉始

一襲次順治十八年題準一等子襲十四次二  
等襲十三次三等襲十二次一等男襲十次二  
等襲九次三等襲八次一等輕車都尉襲六次



二等襲五次。三等襲四次。騎都尉襲二次。雲騎尉襲一次。康熙九年題準。初授世爵。準襲次數。越十五次者。世襲罔替。給與

誥命

一承襲。康熙元年題準。凡世爵一人并襲。至公侯伯者。其子弟承襲時。原授之爵。各人分襲。七年題準。凡一人兼得之世爵。不準子孫分襲。若繫一人并襲二三人所授之爵。仍與二三人分襲。五十八年

諭。有本身効力立官之人。或因年老患病告退。移與其

弟兄子孫承襲。其承襲之人病故。即為襲次已完。不準承襲。雖立官之人見在。亦即為襲次已完。不準襲職。甚屬可憫。似此効力立官之人。如本身見在。情願與子孫承襲者。應仍準承襲。著議政大臣。大學士等會同八旗都統。副都統。及部院衙門。滿洲堂官。議奏。欽此。遵

旨。議準。効力軍功立官之人。所得之職。給與伊子孫承襲。雖襲次已完。若原立官之人見在。聽其給與。應襲之人承襲。若無應襲之人。即留與伊本身。給食全俸。似此等之人。令各旗察明。照例引

見承襲永為例。○雍正三年奉

旨。嗣後八旗世爵。分應列名之人。如遇患病緣事情由。均於譜內。本名下注明。○又奉

旨。八旗承襲世爵。將原受爵人之子孫。按其名數。詳列譜牒。如一譜不能盡者。即繕二譜具奏。○又議準。世爵官。犯十惡。及軍機獲罪。其子孫。雖遇

赦。亦不準襲。其因命案。罪擬斬絞。及因枉法婪贓。侵盜錢糧。以財行求等案革職。治以枷責者。其子孫。亦不準襲。如遇

恩詔。所獲罪。與應免之條相符者。其子孫。照常開列。

此外因公私罪。治以枷責者。準其子孫承襲。若獲罪不準子孫承襲之本人。奉

旨。復加錄用者。其子孫照常開列。○十一年奉

旨。譜牒所載正陪人員內。有見在軍前者。均於本名下注明。○乾隆三年議準。承襲世爵。以得爵人之子孫

承襲。無子孫。以親兄弟之子孫承襲。無親兄弟子孫。以親伯叔之子孫承襲。無親伯叔子孫。按其譜牒。擇宗支相近者承襲。其見在所襲世爵。繫受爵人之長房子孫承襲。其員闕。即以原官之子孫擬正。別房之子孫擬陪。原官或無嗣。或

三  
犯罪。其子孫不應承襲。仍於長房之別支內。簡  
選擬正。繫別房之子孫承襲。其員闕。以原官之  
子孫擬正。長房之子孫擬陪。原官或無嗣。或犯  
罪。其子孫不應承襲。即於長房之子孫內。簡選  
擬正。其餘族人。擬陪列名。原受爵人。有子孫。未  
獲承襲。經兄弟之子孫承襲者。其員闕。以原受  
爵人之子孫承襲。兄弟之子孫。止於譜內。注明  
承襲次數。不準與正陪之選。原受爵人無嗣。有  
親兄弟之子孫。未獲承襲。經伯叔之子孫承襲  
者。其員闕。以親兄弟之子孫承襲。伯叔之子孫

止於譜內。注明承襲次數。不準與正陪之選。原  
受爵人無嗣。繼族人為嗣者。族人之子孫。得與  
選正陪。若繼異姓為嗣者。不準。原受爵人之長  
房子孫。願讓於次房承襲者。聽。一人有兩世爵。  
經長房次房之子孫分襲。而原受爵人。尚有三  
房子孫。其員闕。以原官之子孫擬正。未經襲爵  
之子孫擬陪。兩世爵。繫一支承襲者。其員闕。以  
未經承襲之支。選擬正陪。以上分得擬正。或擬  
陪。或列名。均於譜牒本名下。詳注緣由。引  
見時。將譜進

呈恭候

欽定○六年奏準○應襲爵人○本身殘廢○別無應襲之人○仍行奏請給餉養贍○俟其後有子嗣○再行請襲

一推

恩續封○乾隆十五年

諭○我國家軍前立功○致身効力之人○給以世爵○乃崇德報功之大典○此等世爵內○有世襲罔替者○有襲有次數者○並不畫一○究其原由○從前初建大業之時○人人奮勇立功○迨大業既建○尚有未經平定之

處○復加平定○是時立爵之人○甚衆○其所授之爵○不便均作為世襲罔替○故順治九年

恩詔以前所授之爵○準其世襲罔替

恩詔以後所授之爵○作為襲有次數○即陣亡授爵○亦如之○第按陣亡之人○皆繫捐軀盡節之人○所遇之時○雖有先後○而為國捐軀○並未有異○此等臣僕○朕實軫念○况旗人○藉俸餉度日○若

恩詔以後所授之爵○不分別定議○槩定為襲有次數○則將來生齒日繁○世爵日少○於旗人生計○甚有關繫○朕意將

恩詔以後所授之爵內。有陣亡授爵。襲次已完者。賞給七品官。世襲罔替。則其子孫得以永永沐恩。於國家昭忠叙功之典相符。而人亦咸知感奮矣。但辦理此事。不可不詳加察覈。即如和屯和爾罕諾爾地方征戰。有實屬陣亡者。有陣亡未甚明晰者。再絕嗣之人。雖經撫養兄弟之子孫。究非親子。亦不準列入著軍機大臣。八旗大臣。將

恩詔後陣亡授爵者。究其根據。詳其姓氏。雖襲次已完。仍應賞給七品官。世襲罔替。其悉心會同定議具奏。凡旗人。應知朕格外特恩。靜聽辨理。以仰承恩

澤。若有冀倖爭告者。即繫負恩。定行從重治罪。將此通行曉諭知之。欽此。遵

旨議準。順治九年

恩詔以後。或出戰陣亡。或受傷身死。或遇難盡節。或充使被害。從前已經授爵。該旗詳考

勅書。并部冊相符。其襲次已完者。各賞一七品官。世襲罔替。襲次未完者。注冊。俟襲次已完。再行賞給。

○十六年覆準。順治八年

恩詔內開。原有襲次者。均準世襲罔替。給與誥命。原無襲次。今

恩詔中準授騎都尉者。給與  
勅書。陣亡者。準襲。病故者。不準。其効力軍前所得雲騎  
尉。準承襲一次等語。是

詔前原有襲次。世爵皆準世襲罔替。似

詔前無不世襲之爵。但從前有給與

誥命。注明世襲罔替者。亦有給與

勅書。注明襲次者。從前總以

誥勅為憑。分別辦理。並非

詔前之爵。驟予世襲罔替。今考滿洲蒙古漢軍內。偉績  
殊勲。授爵在

恩詔以前者。雖雲騎尉。亦無不世襲罔替。而

詔前授爵。按次承襲。不準世襲罔替。統稽襲次已完者。

見在承襲八旗共有二百餘人。此內漢軍十居

七八漢軍內。

定鼎後歸順者。又居大半。其如何辦理之處。雖閱

年久遠。無籍可稽。在當日必有區別。自未便輕

議更易。謹按乾隆十五年

諭旨。順治八年

詔後所立世爵內。因陣亡賞給之爵。遇襲次已完者。著  
賞給七品官。令其世襲罔替。欽此。今考順治八年



詔前按次承襲之世爵二百餘人。內陣亡官約有二三十人。應一并交與原議之王大臣定議具奏。俟命下之日。通行八旗。并移會典館載入典則。遵照辦理。○又覆準。順治八年

恩詔以前陣亡授爵襲次已完者。各賞一七品官。襲次未完者。俟於襲完後賞給。又外任地方官。及綠旗營弁內。有為國捐軀。父子被害。全家受難者。準賞一七品官。世襲罔替。又征戰受傷。後傷發身亡者。其子孫亦給一七品官。準襲一次。○又奏準。順治八年

恩賜陣亡後裔世襲七品官。稱為恩騎尉。

一承襲譜牒。雍正十一年覆準。襲爵譜牒。繕造二本。一鈐旗印。送內閣存貯。一鈐叅佐領。關防圖記。送該旗公署存貯。至歲終。有應行增入者。纂輯一次。積至十年。仍繕一本。送內閣存貯。一察覈世次。乾隆五年奏準。八旗承襲世爵。除順治九年

恩詔並未加官。與

詔後並無軍功之官。并

恩詔後初立軍功之官。無可注銷者。或

恩詔所加之官與

詔後軍功所得之官業經送吏部覈定無可再銷者或

世襲罔替或襲有次數均毋庸送吏部察覈該

旗照

誥勅奏請承襲奉

旨後將

誥勅送部注冊如

誥勅內有應行注銷者送吏部覈定再行請襲

